


兩漢書抄

什



後漢書抄卷之一

通議大夫戶部右侍郎兼兪都御史總督漕運兼提督軍務巡撫鳳陽等處地方南充王廷節抄

刑部主事常熟錢選校正

尋邑自以為功在漏刺。意氣甚逸。夜有流星墜營中。晝有雲如壞山。當營而隕。不及地尺而散。吏士皆厭伏。光武奔之。尋邑兵却。諸部將共乘之。諸將既屢捷。膽氣益壯。無不一當百。尋邑陳亂。乘銳崩之。光武今以一節之任。建三軍之威。豈特寵其八尺之竹。犇牛之尾哉。天下詎可知。而閉長者乎。童謠云。諧不諧。在赤眉。得不得。在河北。平遣囚徒。

今此誰賊而馳騫擊之乎。野穀旅生。麻未尤盛。野蠶成繭。被於山阜。人收其利。馬。

詔曰。世以厚葬為德。薄終為鄙。至於富者奢僭。貧者單財。法令不能禁。禮義不能止。倉卒乃知其咎。

贊曰。炎正中微。大盜移國。九縣颯回。三精霧塞。人厭淫詐。神思反德。光武誕命。靈貺自甄。沉幾先物。深略緯文。尋邑百萬。貌虎為群。長轂雷野。高鋒彗雲。英威既振。新都自焚。虔劉庸代。紛紜梁趙。三河未澄。四關重擾。神旌乃顧。遞行天討。金湯失險。車書共道。靈慶

既啓。人謀咸贊。明明廟謨。糾糾雄斷。於赫有命。系隆我漢。

萬乘至重。而壯者慮輕。明帝

今選舉不實。邪佞未去。權門請託。殘吏放手。又郡縣每因徵發。輕為姦利。詭責羸弱。先急下貧。其務在均平。無令枉刺。

敬若昊天。以綏兆人。眇眇小子。屬當聖業。

冬無宿雪。春不煥沐。重逆此縣之拳拳。

先帝詔書。禁以事言聖。而間者章奏。頗多浮詞。自今若有過稱虛譽。尚書皆宜抑而不省。示不為諂子蚩

也。

春秋圖讖。所謂至譴。永思厥咎。在予一人。昔應門失守。關雎刺世。飛蓬隨風。微子所嘆。永覽前戒。竦然兢懼。五穀登衍。

昆崙塞。冀蒙嘉澍。夫豈弘人之度。未優乎。

三事大夫。莫肯夙夜。小雅之所傷也。予違汝弼。汝無面從。股肱之正義也。章帝恐人稍受廩。往來煩劇。

涉道日寡。又官職耗亂。

區區管窺。豈能照一隅哉。省冰紈。方空穀。吹綸絮。

扶進微學。尊廣道藝也。其以巖穴為先。勿取浮華。

理冤獄。錄輕繫。禱五嶽。四瀆。及名山。能興雲致雨者。

冀蒙不崇。朝徧雨。天下之報。思遲直士。側席異聞。

樂以迎來。哀以送往。遣吏逢迎。刺探起居。出入

前後。以為煩擾。動務省約。但患不能脫粟瓢飲耳。

非所以重稽古。求道真也。以扶微學。廣異義焉。

刺史二千石。不以為負。負猶憂也

又令丙筭。長短有數。念其痛毒。怵然動心。

寇賊爭心不息。邊野邑屋不修。永惟庶事。思稽厥哀。

與凡百君子。共弘斯道。中心悠悠。將何以寄。

方春莩甲。宜助萌陽。

冀以息事寧人。敬奉天氣。立秋如故。夫俗吏矯飾外
貌。似是而非。揆之人事。則悅耳。論之陰陽。則傷化。
靈耀著明。跋涉懸度。陵踐阻絕。

文加殊俗。武暢方表。

和帝

鷄鹿塞。

稽落山。

居延塞。

後不再籍。萬里清蕩。告類薦功。以章休烈。金微山。
豈非祖宗迪哲。重光之洪烈歟。科別行能。必由鄉曲。
在位不以選舉為憂。督察不以發覺為負。非獨州郡
也。是以庶官多非其人。下民被姦邪之傷。由法不行
故也。

寤寐永歎。用思孔疚。惟官人不得於上。黎民不安於
下。有司不念寬和。而競為苛刻。覆按不急。以妨民事。
甚非所以上當天心。下濟元元也。

伏閉盡日。

勿因緣妄發。以為煩擾。勿因科令加虐。

羸弱。

去冬無宿雪。今春無澍雨。

是以令下而姦生。禁至而詐起。巧法析律。節文增詞。
貨行于言。罪成乎手。朕甚病焉。

整齊脫誤。是正文字。

安帝

被蝗以來七年于茲。今州郡隱匿。裁言頃畝。今群飛
蔽天。為害廣遠。所言所為。寧相副邪。且復假貸。以觀

厥後其務銷救災青安輯元元

詔曰今年秋稼茂好。垂可收穫。而連雨未霽。懼必淹

傷。夕惕惟憂。思念厥咎。夫霖雨者。人怨之所致。其武

吏以威暴下。文吏妄行苛刻。鄉吏因公生姦。為百姓

所患苦者。有司顯明其罰。

坐法當徙。勿徙。亡徙。當傳。勿傳。順帝

涉道日寡。政失厥中。陰陽氣隔。寇盜肆暴。庶獄彌繁。

憂悴永嘆。疾如疾首。異不空設。必有所應。庶獄無

輕重。皆且勿考。竟今日變方遠。地搖京師。咎徵不虛。

必有所應。

論曰。古之人君。離幽放而反國祚者有矣。莫不矯鑒

前違。審識情偽。無忘在外之憂。故能中興其業。觀夫

順朝之政。殆不然乎。何其僨僻之多與。

頃者州郡輕慢憲防。競騁殘暴。造設科條。陷入無罪。

或以喜怒驅逐長吏。恩阿所私。罰枉仇隙。至今守闕

訴訟。前後不絕。送故迎新。人離其害。怨氣傷和。以致

災青。質帝

令廉白守道者得信其操。桓帝 彌歷時歲。

監寐寤嘆。疾如疾首。

論曰。物之興衰。情之起伏。理有固然矣。而崇替去來

之甚者。必唯寵惑乎。當其接牀第。承恩色。雖險情贅行。莫不德焉。及至移意愛。析熾私。雖惠心妍狀。愈獻醜焉。愛升則天下不足容其高。歡墜故九服無所逃其命。斯誠志士之所沉溺。君人之所抑揚。未或違之者也。郭后以衰離見貶。恚怨成尤。而猶恩加別館。增寵黨戚。至乎東海。逡巡去就。以禮使後世。不見隆薄進退之隙。不亦光於古乎。郭后

昔王氏五侯同日俱封。其時黃霧四塞。不聞澍雨之應。田蚡竇嬰寵貴橫恣。傾覆之禍。為世所傳。故先帝防慎舅氏。不令在樞機之位。諸子之封。裁令半楚淮

陽諸國。常謂我子不當與先帝子等。今有司奈何以馬氏比陰氏乎。前過濯龍門上。見外家問起居者。車如流水。馬如游龍。倉頭衣綠繡。領袖正白。顧視御者。不及遠矣。故不加譴怒。但絕歲用而已。冀以默愧其心也。

嘗觀富貴之家。祿位重疊。猶再實之木。其根必傷。且人所以願封侯者。欲上奉祭祀。下求溫飽耳。今祭祀則受四方之珍。衣食則蒙御府餘資。斯豈不足。而必當得一縣乎。吾計之熟矣。勿有疑也。夫至孝之行。安親為上。今數遭變異。穀價數倍。憂惶晝夜。不安坐卧。

而欲先營外封。違慈母之拳拳乎。吾素剛急。有胃中氣。不可不順也。若陰陽調和。邊境清靜。然後行予之志。吾但當含飴弄孫。不能復關政矣。馬后

后五歲。太夫人愛之。自為剪髮。夫人年高目瞶。誤傷

后額。忍痛不言。左右見者。怪而問之。后曰。非不痛也。

難傷老人意。故忍之耳。鄧后

六歲能史書。十二通詩論語。諸^兄每讀經傳。輒下意難

問。志在典籍。不問居家之事。母常非之曰。女不習女

工。以供衣服。乃更務學。寧當作女博士邪。后重建世

言。晝修婦業。暮誦經典。家人號曰諸生。

后疾。帝令母兄弟入親醫藥。后言於帝曰。宮禁至重。

而使外舍久在內省。上令陛下有幸私之譏。下使賤

妾獲不知足之謗。上下交損。誠不願也。帝曰。人皆以

數入為榮。貴人反以為憂。深自抑損。誠難及也。每讌

會。諸姬競自修整。簪珥光采。袿裳鮮明。而后獨著素

裝服。無飾。其衣有與陰后同色者。即時解易。若竝時

進見。則不敢正坐。離立。行則僂身自卑。帝每有問。常

逡巡。後對不敢先。陰后言。帝知后勞心。曲體。嘆曰。脩

德之勞。乃如是乎。是時新遭大憂。法禁未設。宮中亡大珠一匣。太后念

欲考問。必有不辜。乃親閱宮人。觀察顏色。即時首服。周武王觀兵孟津。退而還師。以為紂未可伐。斯時有未至者也。漢起。驅輕黠烏合之衆。不當天下萬分之一。而旌旃之所撫及。書文之所通被。莫不折戈頓顙。爭受職命。非惟漢人。餘思固亦幾運之會也。夫為權首。鮮或不及。陳項且猶未興。况庸庸者乎。劉玄解形河濱。削迹趙魏。

吾嘗以龐萌社稷之臣。將軍得無笑其言乎。龐萌負負無可言者。張步白馬陳從事。北道主人傳稱盛德必百世祀。孔子曰。寬則得衆。夫能得衆心。

則百世不忘矣。觀更始之際。劉氏之遺恩。餘烈。英雄豈能抗之哉。然則知高祖孝文之寬仁。結于人心深矣。周人之思召公。愛其甘棠。又况其子孫哉。劉氏之再受命。蓋以此乎。若數子者。豈有國之遠圖哉。因時擾攘。苟恣縱而已耳。然猶以附假宗室。能捭強歲月之間。觀其智略。固無足以憚漢祖。發其英靈者也。盧芳

今俊乂竝會。羽翮比肩。望無耆耆之德。而猥託賓客之上。誠自媿也。雖懷介然之節。欲潔去就之分。誠終不背其本。貳其志也。何則。范蠡收責。句踐乘扁舟於

五湖咎犯謝罪文公亦逡巡于河上夫以二子之賢
勒銘兩國猶削跡歸愆請命乞身望之無勞蓋其宜
也望聞烏氏有龍池之山微徑南通與漢相屬其傍
時有奇人聊及閑暇廣求其真願將軍勉之隗囂
所以慰藉之良厚蒼蠅之飛不過數步即託驥尾
得以絕群

元請以一丸泥為大王東封函谷關此萬世一時也
吾所以戮力不避矢石者豈要爵位哉徒以人思舊
主先君蒙漢厚恩思効萬分耳

夫智者觀危思變賢者泥而不滓是以功名終申策
畫復得故夷吾束縛而相齊黥布杖劍以歸漢去愚
就義功名竝著今孺卿當成敗之際遇嚴兵之鋒可
為怖慄宜斷之心曾參之有識八公子系十二為
期公孫述

及其謝臣屬審廢興之命與夫泥首啣王者異日談
也

大丈夫之鼓動拔起其志致蓋遠矣若夫齊武王之
破家厚士豈游俠下客之為哉其慮將存乎配天之
絕業而痛明堂之不祀也及其發舉大謀在倉卒攘
擾之中使信先成于敵人赦岑彭以顯義若此足以

見其度矣。志慮高遠，禍發所忽。古人以蜂蠆為戒，蓋畏此也。詩云：敬之敬之，命不易哉。齊武王

子曰：富與貴是人之所欲也，不以其道得之不處也。李通豈知夫所欲而未識以道者乎？夫天道性命，聖人難言之，况乃億測微隱，倡狂無妄之福，汙滅親宗，以舐一切之功哉？昔蒙毅負書，不狗楚難，即墨用齊，義雪燕耻，彼之趣舍所立，其殆與通異乎？李通

往者成哀，衰微無嗣。王莽乘間篡位，政令苛酷，積失百姓之心，民之謳吟思漢，非一日也。故使吾屬因此得起，夫民所怨者天所去也，民所思者天所與也。舉

大事必當下順民心，上合天意，功乃可成。若負強恃勇，觸情恣欲，雖得天下，必復失之。以秦項之勢，尚至夷覆，况今布衣相聚草澤，以此行之，滅亡之道也。王常

王廷尉良苦，每念往時，更共艱危，何日忘之？莫往莫來，豈違平生之言乎？何用知非僕邪？

晨興鴻郤陂田數千頃，汝土以殷，魚稻之饒，流行它郡。鄧晨

囂將王元說囂多設疑，故久允豫不決。來歙愚聞為國者慎器與名，為家者畏怨重禍，俱慎名器。

則下服其命。輕用怨禍。則家受其殃。來君叔雖單車遠使。而陛下之外兄也。害之無損於漢。而隨以族滅。昔宋執楚使。遂有折骸易子之禍。小國猶不可辱。况於萬乘之主。重以伯春之命哉。

世稱來君叔天下信士。夫專使乎二國之間。豈厭詐謀哉。而能獨以信稱者。良其誠心在乎。使兩儀俱安而已。不私其功也。

薛皓頓首曰。固宜如明詔。歷廷詰曰。屬通諫何言。而今復背之。大臣乘朝車處國事。固得輾轉若此乎。乃各稍引起。歷不去。來歷

夫變通之世。君臣相擇。斯最佐事謀始之幾也。鄧公羸糧徒步。觸紛亂而赴光武。可謂識所從會矣。於是中分麾下之軍。以臨山西之隙。至使關河嚮動。懷赴如歸。功雖不遂。而道亦弘矣。及其威損拘邑。兵散宜陽。褫龍章於終朝。就侯服以卒歲。榮悴交而下無二色。進退用而上無猜情。使君臣之美。後世莫闕其間。不亦君子之致為乎。鄧禹

漢世外戚。自東西京十有餘族。非徒豪橫盈極。自取災。故必於貽釁後主。以至顛敗者。其數有可言焉。何則。恩非已結。而權已先之。情䟽禮重。而枉性圖之。來

寵方授地。既害之。隙開執謝。讒亦勝之。悲哉。隲懼兄弟。委遠時柄。忠勞王室。而終莫之免。斯樂生所以泣而辭燕也。鄧隲

皇甫文。峻之腹心。其所取計者也。今來辭意不屈。必無降心。全之則文得其計。殺之則峻亡其膽。是以降耳。寇恂

為專權之臣。所見批抵。為青蠅之人。所共搆會。

自伯升之敗。光武不敢顯其悲戚。每獨居。輒不御酒。

肉。枕席有涕泣處。異獨叩頭。寬譬哀情。馮異

晨夜草舍。

愚聞明鏡所以鑑形。往事所以知今。昔微子去殷而

入周。項伯畔楚而歸漢。周勃迎代王而黜少帝。霍光

尊孝宣而廢昌邑。彼皆畏天知命。覩存亡之符。見廢

興之事。故能成功於一時。垂業於萬世也。苟令長安

尚可扶助。季文豈能居一隅哉。忸怩小利

臣聞圖堯舜之事而不能至者。湯武是也。圖湯武之

事而不能至者。桓文是也。圖桓文之事而不能至者。六國

是也。定六國之規。欲安守之而不能至者。亡六國是也。今

天下未定。而安守所保。所保得無不可保乎。賈復

昔高祖忌栢人之名。違之以全福。征南惡彭亡之地。

留之以生災。豈幾慮自有明惑。將期數使之然乎。上智不處危以僥倖。中智能因危以為功。下愚安於危以自亡。吳漢

吳公差疆人意。隱若一敵國矣。

吳漢自建武世。常居上公之位。終始倚愛之親。諒由質簡而疆力也。子曰。剛毅木訥近仁。斯豈漢之方乎。昔陳平智有餘以見疑。周勃質朴忠而見信。夫仁義不足以相懷。則智者以有餘為疑。而朴者以不足取信矣。

臧宮將北軍。圍原武城不下。帝問公卿諸侯王。時顯

宗為東海王。獨對曰。妖巫相劫。執無久立。其中必有悔欲亡者。但外圍急。不得走耳。宜小挺緩。令得逃亡。逃亡則一亭長足以禽矣。帝然之。臧宮

中興之業。誠艱難也。然敵無秦項之強。人資附漢之思。雖懷璽紆紱。跨陵州縣。殊名詭號。千隊為群。尚未足以為比功上烈也。至於山西既定。威臨天下。戎羯喪其精膽。群帥賈其餘壯。斯誠雄心尚武之幾。先志翫兵之日。臧宮馬武之徒。撫鳴劍而抵掌。志馳于伊吾之北矣。光武審黃石。存包桑。閉玉門以謝西域之質。卑詞幣以禮匈奴之使。其防意蓋已弘。熙豈其顛

沛平城之圍。恐傷黥王之陳乎。

奔按劍曰。子與弊賊。卒為降虜耳。我至長安。與國家

陳漁陽上谷兵馬之用。還出太原代郡。反覆數十日。

歸發突騎。以犍烏合之眾。如摧枯折腐耳。耿弇

光武笑曰。小兒曹。乃有大意哉。

淮陰廷論項王。審料成執。則知高祖之廟勝矣。耿弇

決策河北。定計南陽。亦見光武之業成矣。然弇自尅

拔全齊。而無復尺寸功。夫豈不懷將時之度數。不足

以相容乎。三世為將。道家所忌。而耿氏累葉。以功名

自終。將其用兵。欲以殺止殺乎。何其獨能隆也。

聞昔武師將軍。拔佩刀刺山。飛泉湧出。今漢德神明。

豈有窮哉。乃整衣服向井再拜。有頃。水泉奔出。

余初讀蘇武傳。感其茹毛窮海。不為大漢羞。復覽耿

恭疏勒之事。喟然不覺涕之無從。嗟哉。義重於生。以

至是乎。昔曹子抗質於柯盟。相如申威於河表。蓋以

決一旦之負。異乎百死之地也。以為二漢當疏高爵。

宥十世。而蘇君恩不及嗣。恭亦終填牢戶。追誦龍蛇

之章。以為歎息。夫負虛交而易強禦。恃遠救而輕近敵。未見其利。融

聞智者不危眾。以舉事。仁者不違義。以要功。今以小

敵大於衆何如。棄子徼功於義何如。竇融

竇融始以豪俠爲名。拔起風塵之中。以投天際。遂蟬蛻王侯之尊。終膺卿相之位。此則徼功趣執之士也。及其爵位崇滿。至乃放遠權寵。恂恂似若不能已者。又何智也。嘗獨詳味此子之風度。雖經國之術。無足多談。而進退之禮。良可言矣。

衛青霍去病。資強漢之衆。連年以事匈奴。國耗太半。而猶虜未之勝。後世猶傳其良將。豈非以身名自終邪。竇憲率羌胡邊襍之師。一舉而空朔庭。至乃追奔稽落之表。飲馬北鞬之曲。銘石負鼎。薦告清廟。列其

功庸。兼茂於前多矣。而後世莫稱者。章末釁以降。其實也。是以下流君子所甚惡焉。夫二三子得之。不過房幄之間。非復搜揚仄陋。選舉而登也。當青病奴僕之時。竇將軍念咎之日。乃庸力之不暇。思鳴之無晨。何意裂膏腴。享崇號乎。東方朔稱用之。則爲虎。不用則爲鼠。信矣。以此言之。士有懷琬琰。以就煨塵者。亦何可支哉。

援年十二而孤。少有大志。諸兄竒之。嘗受齊詩。意不能守章句。乃辭况。欲就邊郡田牧。况曰。汝大才。當晚成。良工不示人以朴。且從所好。會况卒。援行服暮年。

不離墓所。敬事寡嫂。不冠不入廬。馬援

轉游隴漢間。嘗謂客曰。丈夫為志。窮當益堅。老當益

壯。因處田牧。有牛馬羊數千頭。穀數萬斛。既而歎曰。

凡殖貨財。貴其能施賑也。否則守錢奴耳。乃盡散以

班昆弟。故舊身衣羊裘皮袴。

公孫不吐哺。走迎國士。與圖成敗。反修飾邊幅。如偶

人形。此子何足又稽天下士乎。

卿非刺客。說客耳。

願聽詣行在。極陳滅囂之術。得空匈腹中愚策。馬援與囂將楊廣書曰。春卿無恙。前別冀南。寂無音

驛。援聞還長安。因留上林。竊見四海已定。兆民同情。

而季孟閉拒背畔。為天下表的。常懼海內切齒。思相

屠裂。故遺書戀戀。以致惻隱之計。乃聞季孟歸罪于

援。而納王游翁諂邪之說。自謂函谷以西。舉足可定。

以今而觀。竟何如邪。援聞至河內。過存伯春。見其奴

吉。從西方還。說伯春小弟仲舒。望見吉。欲問伯春無

他否。竟不能言。曉夕號泣。宛轉塵中。又說其家悲愁

之狀。不可言也。夫怨仇可刺。不可毀。援聞之。不自知

泣下也。援素知季孟孝愛。曾聞不過。夫孝於其親。豈不慈

于其子。可有子抱三木。而跳梁妄作。自同分羹之事。

乎。季孟平生自言。所以擁兵衆者。欲以保全父母之國。而完墳墓也。又言。苟厚士大夫而已。而今所欲全者。將破亡之。所欲完者。將毀傷之。所欲厚者。將反薄之。季孟嘗折愧子陽。而不受其爵。今更共陸陸。欲往附之。將難為顏乎。若復責以重質。當安從得子。主給是哉。往時子陽獨欲以王相待。而春卿拒之。今者歸老。更欲低頭與小兒曹共槽。擁而食。併肩側身於怨家之朝乎。男兒溺死。何傷而拘游哉。今國家待春卿意深。宜使牛孺卿與諸耆老大人。共說季孟。若計畫不從。真可引領去矣。前披輿地圖。見天下郡國。百有

六所。柰何欲以區區二邦。以當諸夏百有四乎。春卿事季孟。外有君臣之義。內有朋友之道。言君臣邪。固當諫爭。語朋友邪。應有切磋。豈有知其無成。而但萎腰咋舌。以手從族乎。及今成計。殊尚善也。過是欲少味也。且來君叔。天下信士。朝廷重之。其意依依。常獨為西州言。援商朝廷。尤欲立信於此。必不負約。援務開寬信。恩以待下。任吏以職。但總大體而已。賓客故人。日滿其門。諸曹時白外事。輒曰。此丞掾之任。何足相煩。頗哀老子。使得遨遊。若大姓侵小民。黠羗欲旅拒。此乃太守事耳。

援還京師。數被進見。為人明須髮。眉目如畫。閑於進退。尤善述前世行事。每言及三輔長者。下至閭里少年。皆可觀聽。自皇太子諸王侍聞者。莫不屬耳忘倦。又善兵策。帝每言伏波論兵。與我意合。每有所謀。未嘗不用。

討徵側。徵貳還。封新息侯。乃擊牛釀酒。勞饗軍士。從容謂官屬曰。吾從弟少游。常哀吾慷慨多大志。曰。士生一世。但取衣食裁足。乘下澤車。御款段馬。為郡掾史。守墳墓。使鄉里稱善人。斯可矣。致求盈餘。但自苦耳。當吾在浪泊西里間。虜未滅之時。下潦上霧。毒氣

熏蒸。仰視飛鳥。跼跼墮水中。卧念少游平生時語。何可得也。今賴士大夫之力。被蒙大恩。猥先諸君紆佩金紫。且喜且慙。吏士皆伏稱萬歲。

初。援軍還。將至。故人多迎勞之。平陵孟冀。名有計謀。于坐賀援。援謂之曰。吾望子有善言。反同眾人邪。昔伏波將軍路博德。開置七郡。裁封數百戶。今我微勞。猥饗大縣。功薄賞厚。何以能長久乎。先生奚用相濟。冀曰。愚不及。援曰。方今匈奴尚擾北邊。欲自請擊之。男兒要當死於邊野。以馬革裹屍還葬耳。何能卧床上。在兒女子手中邪。冀曰。諒為烈士當如此矣。

凡人為貴。當使可賤。如卿等欲不復賤。居高堅自持。勉思鄙言。

但畏長者家兒。或在左右。或與從事。殊難得調。介介獨惡是耳。

大將在外。讒言在內。微過輒記。大功不計。誠為國之所慎也。故章邯畏口而奔楚。燕將據聊而不下。豈其甘心末規哉。悼巧言之傷類也。夫明主醲於用賞。約於用刑。高祖嘗與陳平金四萬斤。以間楚軍。不問出入所為。豈復疑以錢穀間哉。夫操孔父之惑。而不能自免於讒。此鄒陽之所悲也。春秋之義。罪以功除。聖

王之祀。臣有五義。若援所謂以死勤事者也。

論曰。馬援騰聲三輔。遨遊二帝。及定節立謀。以干時主。將懷負鼎之願。蓋為千載之遇焉。然其戒人之禍。智矣。而不能自免於讒隙。豈功名之際。理固然乎。夫利不在身。以之謀事。則智。慮不私已。以之斷義。必厲。誠能回觀物之智。而為反身之察。若施之於人。則能恕。自鑒其情。亦明矣。更共罔養。以崇虛名。罔養。依違也。

勞心諄諄。視人如子。卓茂。汝為敝人矣。

論曰。建武之初。雄豪方擾。虓呼者連響。嬰城者相望。斯固倥傯不暇給之日。卓茂斷斷小宰。無它庸能。時

已七十餘矣。而首加聘命。優辭重禮。其與周燕之君。表閭立館。何異哉。於是蘊憤歸道之賓。越關阻。捐宗族。以排金門者衆矣。夫厚性寬中。近於仁。犯而不校。鄰於恕。率斯道也。怨悔曷其至乎。

久留徒擾賢者耳。

魯恭

卓茂出行。人認其馬。嘿解與之。

寬嘗行。有人失牛者。就寬車中認之。寬無所言。下駕步歸。有頃。認者得牛而送還。叩頭謝曰。慙負長者。隨所刑罪。寬曰。物有形類。事容脫誤。幸勞見歸。何為謝之。州里服其不校。

劉寬

帝引見寬。常於坐被酒。睡伏。帝問太尉醉邪。寬仰對曰。臣不敢醉。但任重責大。憂心如醉。寬簡略嗜酒。不好盥浴。京師以為諺。嘗坐客。遣蒼頭市酒。迂久大醉。而還。客不堪之。罵曰。畜產。寬須臾遣人視奴。疑必自殺。顧左右曰。此人也。罵言畜產。辱孰甚焉。故吾懼其死也。夫人欲試寬。令恚。伺當朝會。裝嚴已訖。使侍婢奉肉羹。翻汙朝衣。婢遽收之。寬神色不異。乃徐言曰。羹爛汝手。

更始立。為平原太守。時倉卒兵起。天下驚擾。而湛獨晏然。教授不廢。謂妻子曰。一穀不登。國君徹膳。今民

皆饑。柰何獨飽。乃共食麤糲。悉分俸祿。以賑鄉里。來客者百餘家。伏湛奏行鄉飲酒禮。

唐虞以股肱康文王以多士寧。是故詩稱濟濟。書曰良哉。

為淮平大尹。政理有能名。及王莽之敗。霸保固自守。卒全一郡。更始遣使徵霸。百姓老弱相攜號哭。遮使者車。或當道而卧。皆曰。願乞侯君。復留暮年。民至乃戒乳婦。勿得舉子。侯君當去。必不能全。使者慮霸就徵。臨淮必亂。不敢授璽書。具以狀聞。侯霸帝問弘。通博之士。弘乃薦沛國桓譚。才學洽聞。幾能

及楊雄。劉向父子。於是拜議郎。給事中。帝每讌。輒令鼓琴。好其繁聲。弘聞之不悅。悔於薦舉。伺譚內出。正朝服。坐府上。遣吏召之。譚至。不與席。而讓之曰。吾所以薦子者。欲令輔國家以道德也。而今數進鄭聲。以亂雅頌。非忠正者也能。自改邪。將令相舉以法乎。頓首謝良久。乃遣之。後大會群臣。帝使譚鼓琴。譚見弘失其常度。帝怪而問之。弘乃離席免冠謝曰。臣所以薦桓譚者。望能以忠正導主。而令朝廷耽悅鄭聲。臣之罪也。帝改容謝。宋弘論曰。中興以後。居台相。總權衡。多矣。其能以任職取

後漢書卷一
名者。豈非先遠業。後小數哉。故惠公造次。急於鄉射之禮。君房入朝。先奏寬大之令。夫器博者。無近用道。長者。其功遠。蓋志士仁人所為。根心者也。君子以之。得固貴矣。以之失。亦得矣。宋弘止繁聲。戒淫色。其有闕睢之風乎。

茂初在廣漢。夢坐大殿。極上有三穗禾。茂跳取之。得其中穗。輒復失之。以問主簿郭賀。賀離席慶曰。大殿者。官府之形象也。極而有禾。人臣之上祿也。取中穗。是中台之位也。於字禾失為秩。雖曰失之。乃所以得祿秩也。袞職有闕。君其補之。旬月而茂徵焉。蔡茂

曾祖父楊。為弘農太守。有八子。皆為二千石。趙魏間榮之。號曰萬石君焉。兄弟形皆偉壯。惟勤祖父偃。長不滿七尺。常自耻短陋。恐子孫之似也。乃為子伉娶長妻。伉生勤。長八尺三寸。馮勤

少有節操。後兄為人所殺。無子。熹年十五。常思報之。乃挾兵結客。後遂往復仇。而仇家皆疾病。無相拒者。熹以因疾報殺。非仁者心。釋之而去。顧謂仇曰。尔曹若健。遠相避也。仇皆卧自搏。後病愈。悉自縛詣熹。熹不與相見。復竟殺之。趙熹
更始即位。舞陰大姓李氏擁城不下。更始遣將軍降

後漢書卷一
之不肯。云聞宛之趙氏有孤孫熹。信義著名。願乞降之。乃徵熹。年未廿。更始笑曰。藟粟犢。豈能負重致遠乎。即除為郎中。行偏將軍事。使詣舞陰。而李氏遂降。更始大悅。謂曰。卿名家駒。努力勉之。

更始敗。熹為赤眉兵所圍。急乃踰屋亡走。與所善韓仲伯等數十人。攜小弱。越山阻。徑出武關。仲伯以婦色美。慮有強暴者。而已受其害。欲弃之於道。熹責怒不聽。因以泥塗仲伯。面載以鹿車。身自推之。每道逢賊。或欲逼略。熹輒言其病狀。以此得免。既入丹水。遇更始親屬。皆裸跣塗炭。饑困不能前。熹見之悲感。

所裝。縑帛資糧。悉以與之。將護歸田里。時鄧奉反於南陽。熹素與奉善。數遺書切責之。而讒者因言熹與奉合謀。帝以為疑。及奉敗。得熹書。乃驚曰。趙熹真長者也。帝延集內戚。讌會歡甚。諸夫人各各前言趙熹篤義多恩。往遭赤眉出。長安皆為熹所濟活。帝甚嘉之。後徵熹為太僕。引見曰。卿非但英雄所保也。婦人亦懷卿之恩焉。厚加賞賜。

國以簡賢為務。賢以孝行為首。夫人才行少能相兼。忠孝之人。持心近厚。鍛鍊之吏。持心近薄。三代所以直道而行者。在所以磨之故也。士宜以才行為先。不

可純以閎閱。韋彪

宜鑒嗇夫捷給之對。深思絳侯木訥之功。

秉性節約。常服布被。蔬食瓦器。帝嘗幸其府舍。見而嘆曰。楚國二龔。不如雲陽宣巨公。即賜布帛帳帷什物。宣秉

矜嚴好禮。動止有則。居處幽室。必自修整。雖遇妻子。若嚴君焉。及在鄉黨。詳言正色。三輔以為儀表。人或謂湛偽詐。湛聞而笑曰。我誠詐也。人皆詐惡。我獨詐善。不亦可乎。張湛

告歸平陵。望寺門而步。王湛曰。明府位尊德重。不

宜自輕。湛曰。禮下公門。式輅馬。孔子於鄉黨。恂恂如也。父母之國。所宜盡禮。何謂輕哉。光武臨朝。或有惰容。湛輒陳諫。其失。常乘白馬。帝每見湛。輒言白馬生且復諫矣。湛至朝堂。遺失溲便。因自陳疾篤。

時河南太守同郡陳遵。關西之大俠也。其友人喪親。遵為護喪事。賻助甚豐。丹乃懷繻一疋。陳之於主人前曰。如丹此繻。出自機杼。遵聞而有慙色。自以知名。欲結交于丹。拒不答。王丹

更始時。遵為大司馬。出使匈奴。過辭于丹。丹曰。俱遭反覆。唯我二人為天所遺。今子當之絕域。無以相贈。

後漢書卷一
贈子以不拜遂揖而別。

每歲農時輒載酒肴於田間候勤者而勞之其慳孌者耻不致丹皆兼功自厲。

時大司徒侯霸欲與交友及丹被徵遣子昱候於道昱迎拜車下丹下答之昱曰家公欲與君結交何為見拜丹曰君房有是言丹未之許也丹子有同門生喪親家在中山白丹欲往奔慰結侶將行丹怒而撻之令寄縑以祠焉或問其故丹曰交道之難未易言也世稱管鮑次則王貢張陳凶其終蕭朱隙其末故知全者鮮矣時人服其言。

代宣秉為大司徒司直在位恭儉妻子不入官舍布被瓦器時司徒史鮑恢以事到東海過候其家而良妻布裙曳柴從田中歸恢告曰我司徒史也故來受書欲見夫人妻曰妾是也苦掾無書恢乃下拜歎息而還王良

病歸復徵過其友人友人不肯見曰不有忠言奇謀而取大位何其往來屑屑不憚煩也良慙連聘不應論曰夫利仁者或借仁以從利體義者不期體以合義季文子妾不衣帛魯人以為美談公孫弘身服布被汲黯譏其多詐事實未殊而譽毀別議何也將體

後漢書卷一
之與利之異乎。宣秉王良處位優重而秉甘蔬薄良妻荷薪可謂斷乎儉然當世容其清人君高其節豈非臨之以誠哉語曰同言而信信在言前同令而行誠在令外不其然乎張湛不屑矜偽之諂斯不偽矣王丹難于交執之道斯知交矣

杜林雖拘於囂而終不屈節彘成物故囂乃聽林持詿東歸既遣而悔追令刺客楊賢于壠底遮殺之賢見林身推鹿車載致弟詿乃嘆曰當今之世誰行義我雖小人何忍殺義士因亡去杜林

林與馬援同鄉里素相親厚援從南還時林馬適死援令子將馬一疋遺林曰朋友有車馬之餽可且以備乏林受之居數月林遣子奉書曰將軍內施九族外有賓客望恩者多林父子兩人食列卿祿常有盈今送錢五萬援受之謂子曰人當以此為法是杜伯山所以勝我也

人情挫辱則義節之風損法防繁多則苟免之行興從師長安買符入函谷關乃慨然嘆曰丹不乘使者車終不出關郭丹

初為郡吏入賀門下掾王望舉觴上壽諂稱太守功德良時跪曰門下掾佞諂明府勿受其觴盜賊未盡

後漢書抄卷一
人庶困乏。今良曹掾尚無絋。望曰。議曹情窳自無絋。寧足為不家給人足邪。吳良

私慕公叔同升之義。懼於臧文竊位之罪。

少孤。年八歲。為人牧豕。鄉里徐子盛者。以春秋經授。徒數百人。宮過息廬下。樂其業。因就聽經。遂請留門下。為諸生。拾薪。執苦。數年。勤學不倦。經典既明。乃歸家教授。承宮

時北單于遣使求得見宮。顯宗勅自整飾。宮對曰。夷狄眩名。非識實者也。臣狀醜。不可以示遠。宜選有威容者。

兄為縣吏。頗受禮遺。均數諫。不聽。即脫身為傭。歲餘得錢帛。歸以與兄。曰。物盡可復得。為吏坐贓。終身捐棄。兄感其言。鄭均

鴻池汎漑。已且百頃。猶復增而深之。非所以崇唐虞之約已。遵孝文之愛人也。帝納其言而止。趙典大丈夫當雄飛。安能雌伏。遂弃官去。

後漢書抄卷之二

刑罰不能加無罪。邪枉不能勝正人。桓譚

善政者視俗而施教。察失而立防。威德更興。文武迭用。然後政調于時。而躁人可定。昔董仲舒言理國譬若琴瑟。其不調者則解而更張。夫更張難行。而拂衆者亡。是故賈誼以才逐。而晁錯以智死。世雖殊。能而莫敢談者。懼於前事也。夫張官置吏。以理萬人。懸賞設罰。以別善惡。惡人誅傷。則善人蒙福矣。今人相殺傷。雖已伏法。而私結怨讎。子孫相報。後忿深前。至於滅戶殄業。而俗稱豪健。故雖有怯弱。猶復勉而行之。

此為聽人自理。而無復法禁者也。

昔逢丑父。伏軾而使其君取飲。稱于諸侯。鄭祭仲立突而出。忽終得復位。美於春秋。蓋以死易生。以存易亡。君子之道也。將軍之先。為漢信臣。新室之興。英俊不附。今海內潰亂。人懷漢德。甚於詩人思召公也。愛其甘棠。而况子孫乎。人所歌舞。天必從之。聖人轉禍而為福。智士因敗而為功。願明公深計而無與俗同。

馮衍

天下皆知取之為取。而莫知予之為取。

蓋聞明者見於無形。智者慮於未萌。况其昭哲者乎。凡患生於所忽。禍發於細微。敗不可悔。時不可失。公

孫鞅曰。有高人之行。負非于世。有獨見之慮。見贅於人。故信庸庸之論。破金石之策。襲當世之操。失高明之德。夫決者智之君也。疑者事之役也。時不重至。公勿再計。

且衍聞之。兵久則力屈。人愁則變生。今邯鄲之賊未滅。真定之際復擾。而大將所部。不過百里。守城不休。戰軍不息。兵革雲翔。百姓震駭。柰何自怠。不為深憂。故曰。德不素積。人不為用。備不豫具。難以應卒。惟將軍開日月之明。發深幽之慮。監六經之論。觀孫兵之策。省羣議之是非。詳眾士之白黑。以超周南之跡。垂

甘棠之風。今功烈施于千載。富貴傳於無窮。伊望之策。何以加茲。

蓋聞晉文出奔。而子犯宣其忠。趙武逢難。而程嬰明其賢。二子之義當矣。今三王背畔。赤眉危國。天下鎧動。社稷顛隕。是忠臣立功之日。志士馳馬之秋也。伯玉擢選。剖符專宰大郡。夫上黨之地。有四塞之固。東帶三關。西為國蔽。奈何舉之以資強敵。開天下之肉。假仇讎之刃。豈不哀哉。衍聞之。委質為臣。無有二心。挈瓶之智。守不假器。是以晏嬰臨盟。擬以曲戟。不易其辭。謝息守邲。脅以晉魯。不喪其邑。由是言之。內無

鉤頸之禍。外無桃萊之利。而被畔人之聲。蒙降城之耻。竊為左右羞之。且邾庶其竊邑。畔君以要大利。曰賤而必書。莒牟夷以土地求食。而名不滅。是以大犬夫動則思禮。行則思義。未有背此而身名能全者也。為伯玉深計。莫若與鮑尚書同情戮力。顯忠貞之節。立超世之功。如以尊親係累之故。能捐位投命。歸之尚書。大義既全。敵人紓怨。上不損剖符之責。下足救老幼之命。申眉高談。無媿天下。若乃貪上黨之權。惜全邦之實。衍恐伯玉必懷周趙之憂。上黨復有前年之禍。昔晏平仲納延陵之誨。終免樂高之難。孫林父

違穆子之戒。故陷終身之惡。以為伯玉聞此至言。必若刺心。自非嬰城而堅守。則策馬而不顧也。聖人轉禍而為福。智士因敗以成勝。願自強于時。無與俗同。邑報書曰。僕雖驚怯。亦欲為人者也。豈苟貪生而畏死哉。曲戟在頸。不易其心。誠僕志也。間者老母諸弟。見執于軍。而邑安然不顧者。豈非重其節乎。若使人居天地。壽如金石。要長生而避死地。可也。今百齡之期。未有能至。老壯之間。相去幾何。誠使故朝尚在。忠義可立。雖老親受戮。妻兒橫分。邑之願也。間者上黨黠賊。大眾圍城。義兵兩輩。入據井陘。邑親潰敵圍。拒擊宗正。自試智勇。非不能當。誠知故朝為兵所害。新帝司徒。已定三輔。隴西北地。從風響應。其事昭昭。日月經天。河海帶地。不足以比。死生有命。富貴在天。天下存亡。誠云命也。邑雖沒身。能如命何。人道之本。有恩有義。義有所宜。恩有所施。君臣大義。母子至恩。今故主已亡。義其誰為。老母拘執。恩所當留。而厲以貪權。誘以策馬。抑其利心。必其不顧。何其愚乎。邑年三十。歷位卿士。性少嗜慾。情厭事為。况今位尊身危。財多命殆。鄙人知之。何疑君子。君長敬通。揭節垂組。自相署立。蓋仲由使門人為臣。孔子譏其欺天。君長據

位兩州。加以一郡。而河東畔國。兵不入彘。上黨見圍。不窺大谷。宗正臨境。莫之能援。兵威屈辱。國權日損。三王背畔。赤眉害主。未見無行倍道之赴。昔墨翟累繭救宋。申包胥重胝存楚。衛女馳歸。唁兄之志。主亡一歲。莫知定所。虛冀妄言。苟肆鄙塞。未能事生。安能事死。未知為臣。焉知為主。豈厭為臣子。思為君父乎。欲搖太山。而蕩北海。事敗身危。要思邑言。

伏念高祖之略。而陳平之謀。毀之則疏。譽之則親。以文帝之明。而魏尚之忠。繩之以法。則為罪。施之以德。則為功。董仲舒言道德。見妬於公孫弘。李廣奮節於

匈奴。見排於衛青。此忠臣之常所為。流涕也。臣衍自惟微賤之臣。上無無知之薦。下無馮唐之說。乏董生之才。寡李廣之執。而欲免讒口。濟怨嫌。豈不難哉。蓋富貴易為善。貧賤難為工也。

論曰。夫貴者負執而驕人。才士負能而遺行。其大略然也。二子不其然乎。馮衍之引挑妻之譬。得矣。夫納妻。皆知取詈已者。而取士。則不能何也。豈非反妬情。易而恕。義情難。光武雖得於鮑永。猶失之於馮衍。夫然。義直所以見屈于既往。守節故以彌阻于來情。嗚呼。

隗囂據隴右。欲背漢而附公孫述。剛說之曰。愚聞人所歸者天所與。人所畔者天所去也。伏念本朝躬聖德。舉義兵。龔行天罰。所當必摧。誠天之所福。非人力也。將軍本無尺土。孤立一隅。宜推誠奉順。與朝并力。上應天心。下酬人望。為國立功。可以永年。嫌疑之事。聖人所絕。以將軍之威重。遠在千里。動作舉措。可不慎歟。今璽書數到。委國歸信。欲與將軍共同吉凶。布衣相與。尚有沒身不負。然諾之信。况於萬乘者哉。今何畏何利。久疑如是。卒有非常之變。上負忠孝。下愧當世。夫未至。豫言固常為虛。及其已至。又無所及。是

以忠言至諫。希得為用。申屠剛

帝叔父趙王良。尊戚貴重。司隸校尉鮑永。以事劾良。大不敬。朝廷肅然。莫不戒慎。乃辟扶風鮑恢為都官從事。恢亦抗直。不避彊禦。帝常曰。貴戚且宜斂手。以避二鮑。其見憚如此。鮑永

永行縣。路經更始墓。引車入陌。從事諫止之。永曰。親北面事人。寧過墓不拜。雖以獲罪。司隸所不避也。遂下拜哭。盡哀而去。西至扶風。椎牛上苟諫冢。帝聞之。意不平。問公卿曰。奉使如此。何如。張湛對曰。仁者行之宗。忠者義之主也。仁不遺舊。忠不忘君。行之高者。

也。帝意乃釋。

論曰。鮑永守義於故主。斯可以事新主矣。恥以其衆受寵。斯可以受大寵矣。若乃言之者。雖誠而聞之未譬。豈苟進之悅。易以情納。持正之忤。難以理求乎。誠能釋利以循道。居方以從義。君子之槩也。

時左隊大夫逯並。素好士。惲說之曰。昔伊尹自鬻輔商。立功全人。惲誠不遜。敢希伊尹之蹤。應天人之變。明府儻不疑逆。俾成天德。並竒之。使署為吏。惲不謁。曰。昔文王拔呂尚於渭濱。高宗禮傅說于巖築。桓公取管仲于射鈞。故能立弘烈。就元勳。未聞師相仲父。而可為吏位也。非闕天者。不可與圖遠。君不授驥以重任。驥亦俛首裹足而去耳。遂不受署。鄧惲智者順以成德。愚者逆以取害。

惲友人董子張者。父先為鄉人所害。及子張病將終。惲往候之。子張垂歿。視惲歔歔不能言。惲曰。吾知子不悲天命而痛讎。不復也。子在。吾憂而不手。子亡。吾手而不憂也。子張但目擊而已。惲即起。將客遮讎人。取其頭以示子張。子張見而氣絕。惲因詣縣。以狀自首。令應之。遲趨出就獄。令追惲不及。遂自至獄。令拔刀自向。以要惲曰。子不從我出。敢以死明心。乃出。

太守歐陽歙署惲為功曹。汝南舊俗十月享會，百里內縣皆齋牛酒到府，讌飲臨享。歙曰：西都督郵繇延天資忠貞，稟性公方，摧破姦凶，不嚴而理。今與眾儒共論延功，顯之于朝。主簿讀書教戶曹引延受賜，惲于下座，愀然前曰：司正舉觥以君之罪，告謝于天。按延資性貪邪，外方內員，朋黨構姦，罔上害人，所在荒亂，怨慝並作。明府以惡為善，股肱以曲作直，此既無君，又復無臣，惲敢再拜奉觥，歙色慙動，不知所言。門下掾鄭敬進曰：君明臣直，功曹言切，明府德也可無受觥哉。歙意少解，曰：實歙罪也。敬奉觥，惲後鄭敬去。

隱于弋陽山中，留數十日。惲志在從政，乃喟然而歎，謂敬曰：天生俊士，以為人也。鳥獸不可與同群，子從我為伊呂乎？將為巢許乎？而父老堯舜也。敬曰：吾足矣。初，從生步重華于南野，謂來歸為松子，今幸得全軀樹類，還奉墳墓，盡問學道，雖不從政，施之有政，是亦為政也。吾年耄矣，安得從子？子勉正性命，勿勞神以害生。惲告別而去。類不檢節。

鄧仲况為延岑護軍，擁兵南陽。陰縣為寇，劉龔為謀主，竟與書曉之曰：君執事無恙，走昔以摩研編削之才，與國師公從事出入，校定祕書。

劉龔為

竊自依依

未由自遠。蓋聞君子愍同類而傷不遇。人無智愚。莫不先避害。然後求利。先定志。然後求名。昔智果見智伯窮兵必亡。故變名遠逝。陳平知項王為天所弃。故歸心高祖。皆智之至也。聞君前權時屈節。北面延牙。乃後覺悟。棲遲養德。先世數子。又何以加。君處陰中。士多賢士。若以須臾之間。研考異同。揆之圖書。測之人事。則得失利害。可陳于目。何自負畔亂之困。不移守惡之名乎。與君子之道。何其反也。世之俗儒末學。醒醉不分。而稽論當世。疑誤視聽。或謂天下迭興。未知誰是。稱兵據土。可圖非冀。或曰。聖王未啓。宜觀時

變倚強附。大顧望自守。二者之論。豈其然乎。夫孔丘秘經。為漢赤制。玄包幽室。文隱事明。且火德承堯。雖昧必亮。承積世之祚。握無窮之符。王氏雖乘間偷篡。而終嬰大戮。支分體解。宗氏屠滅。非其効歟。皇天所以眷顧。踟躕憂漢子孫者也。論者若不本之于天。參之於聖。猥以師曠禱事。輕自眩惑。說士作書。亂夫大道。焉可信哉。夫周公之善康叔。以不從管蔡之亂也。景帝之悅濟北。以不從吳濞之畔也。自更始以來。孤恩背逆。歸義向善。臧否燦然。可不察歟。良醫不能救無命。彊梁不能與天爭。故天之所壞。人不得支。宜密

與太守劉君共謀降議。仲尼栖栖，墨子皇皇，憂人之甚也。屠羊救楚，非要爵祿，茅焦干秦，豈求報利。盡忠博愛之誠，憤滿不能已耳。蘇竟

蓋善言古者合于今，善言天者合於人。郎顛

臣聞剡木剡楫，將欲濟江海也。聘賢選佐，將以安天下也。昔唐堯在上，群龍為用，文武創德，周召作輔，是以能建天地之功，增日月之耀者也。陛下踐祚以來，勤心衆政，而三九之位，未見其人。是以災害屢臻，四國未寧。臣考之國典，驗之聞見，莫不以得賢為功，失士為敗。且賢者出處，翔而後集，爵以德進，則其情不

苟。然後使君子恥貧賤而樂富貴矣。若有德不報，有言不酬，來無所樂，進無所趨，則皆懷歸藪澤，修其故志矣。夫求賢者，上以承天下，以為人不用之，則逆天統，違人望。逆天統，則災眚降；違人望，則化不行。災眚降，則下吁嗟；化不行，則君道虧。四始之缺，五際之戾，其咎如此。

浮屠不三宿桑下，不欲久生，恩愛精之至也。天神遺以好女，浮屠曰：此但革囊盛血，遂不眄之。

陛下亮成天工，克濟大業，偃兵修文，群帥反旅，海內合和，萬世蒙福。天下幸甚，唯匈奴未譬聖德，威侮二

垂陵虐中國。邊民虛耗。不能自守。臣恐武猛之將。雖
勤。亦未得解甲橐弓也。夫勤而不息。亦怨。勞而不休。
亦怨。怨恨之師。難復責功。臣伏觀將帥之情。功臣之
望。冀一休足于內郡。然後即戎出命。不敢有恨。臣愚
以爲師克在和。不在衆。陛下雖垂念北邊。亦當頗泄
用之。昔湯武善御衆。故無忿鷙之師。陛下起兵十三
年。將帥和睦。士卒鳧藻。今若使公卿郡守。出于軍壘。
則將帥自勵。士卒之復。比于宿衛。則戎士自百。何者。
天下已安。各重性命。大臣以下。咸懷樂土。不讎其功。
而厲其用。無以勸也。陛下誠宜虛缺數郡。以竢振旅。

之臣。重復厚賞。加于久役之士。如此。緣邊屯戍之師。
競而忘死。乘城拒塞之吏。不辭其勞。今猥用愚薄。塞
功臣之望。誠非其宜。臣詩伏自惟忖。本以史吏一介
之才。超受大恩。收養不稱。奉職無効。又竊祿位。令功
臣懷愠。誠惶誠恐。八年上書。乞避功德。未許。放退。臣
詩蒙恩尤深。義不敢苟冒。虛請誠不勝至願。願退大
郡。受小職。及臣齒壯。力能經營劇事。如使臣詩。必有
補益。復受大位。雖析圭授爵。所不辭也。惟陛下哀矜。

杜詩

時天下未定。士多不修節操。奮爲姑臧長。力行清潔。

為衆人所笑。或以為身處脂膏，不能以自潤，徒益苦辛耳。奮既立節，治貴仁平。太守梁紘深相敬待，不以官屬禮之。常迎于大門，引入見母。隴蜀既平，河西守令咸被徵召，財貨連轂，彌竟川澤。惟奮無資，單車就路。孔奮

帝召諸郡計吏，問其風土。及前後守令能否。蜀郡計掾樊顯進曰：漁陽太守張堪，昔在蜀漢，仁以惠下，威能討姦。公孫述破時，珍寶山積，捲握之物足富十世。而堪去職之日，乘折轅車，布被囊而已。張堪

父丹。王莽時為大司馬部牧，遭喪亂，容死于蜀。范遂流寓西州。西州平，歸鄉里。年十五，辭母西迎父喪。蜀郡太守張穆，丹之故吏，乃重資送范。范無所受，與客步負喪歸葭萌。載船觸石破沒，范抱持棺柩，遂俱沉溺。衆傷其義，鉤求得之，療救僅免于死。穆聞，復馳使持前資物追范。范又固辭。廉范

初隴西太守鄧融，謁范為功曹。會融為州所舉，案范知事譴難解，欲以權相濟。乃托病求去，融不達其意，大恨之。范於是東至洛陽，變名姓，求代廷尉獄卒。居無幾，融果徵下獄。范遂得衛侍左右，盡心勤勞。融怪其貌類范，而殊不意，乃謂曰：卿何似我故功曹邪？范

訶之曰。君困危。將亂邪。融繫出。困病。范隨而養視。及死。竟不言。身自將車。送至南陽。葬畢乃去。

初。范與洛陽慶鴻為刎頸交。時人稱曰。前有管鮑。後有慶廉。

論曰。張堪。廉范。皆以氣俠立名。觀其振危急。赴險阨。有足壯者。堪之臨財。范之志施。亦足以信意而感物矣。若夫高祖之召欒布。明帝之引廉范。加怒以發其志。就戮更延其寵。聞義能徙。誠君道所尚。然情理之樞。亦有開塞之感焉。畏其執援。莫敢糾問。

蘇不韋。父謙。為李嵩掠死獄中。不韋載喪歸鄉里。瘞而不葬。仰天嘆曰。伍子胥獨何人也。遂變名姓。盡以家財募劍客。邀嵩于諸陵間。不剋。會嵩遷大司農。時右校芻廩在寺北垣下。不韋與親從兄弟潛入廩中。夜則鑿地。晝則逃伏。如此經月。遂得達嵩之寢室。出其床下。值嵩在廁。因殺其妾。并及小兒。留書而去。嵩大驚懼。乃布棘於室。以板藉地。一夕九徙。雖家人莫知其處。每出。輒劍戟隨身。壯士自衛。不韋知嵩有備。乃日夜飛馳。徑到魏郡。掘其父阜冢。斷取阜頭。以祭父墳。又標于市。曰。李嵩父頭。嵩匿不敢言。求退捕。不韋不能得。嘔血死。不韋遇赦回家。乃始改葬郭林宗。

聞而論之曰。子胥雖云逃命。而見用。強吳憑闔閭之威。因輕悍之衆。雪怨舊郢。曾不終朝。而但鞭墓戮屍。以舒其憤。竟無手刃後主之報。豈如蘇子。單特子立。靡因靡資。強讎豪援。據位九卿。城闕天阻。宮府幽絕。埃塵所不能過。霧露所不能霑。不韋毀身。惟慮出于百死。冒觸嚴禁。陷族禍門。雖不獲逞。為報已深。况復分骸斷首。以毒生者。使嵩懷忿結。不得其命。猶假手神靈。以斃之也。力唯匹夫。功隆千乘。比之於員。不以優乎。蘇章

觀歷縣邑採問風謠羊續

先王治世。貴在愛民。省徭輕賦。以寧天下。除煩就約。以崇簡易。故萬姓從化。靈物應德。末世衰主。窮奢極侈。造作無端。興制非一。勞割自下。以從苟欲。故黎民吁嗟。陰陽感動。陸康

宣帝時。陰子方者。至孝。有仁恩。臘日晨炊。而竈神形見。子方再拜受慶。家有黃羊。因以祀之。自是已後。暴至。巨富。田有七百餘頃。輿馬僕隸。比于邦君。子方常言。我子孫必將彊大。至識三世。而遂繁昌。故後常以臘日祀竈。而薦黃羊焉。陰識

五行書曰。竈神名禪。字子郭。衣黃衣。夜被髮。從竈中

出。知其名呼之。可除凶惡。宜市豬肝泥竈。令婦孝。五典紀國家之政。鴻範別災異之文。皆宣明天道。以徵來事。陛下哀愍海內。新離禍毒。保有生人。使得蘇息。而今牧人之吏。多未稱職。小違理實。輒見斥罷。豈不燦然黑白分明哉。然以堯舜之聖。猶加三考。大漢之興。亦累功效。吏皆積久。養老于官。至名子孫。因為氏姓。當時吏職。何能悉理。論議之徒。豈不諛譁。蓋以為天地之功。不可倉卒。艱難之業。當累日也。而間者守宰數見換易。迎新相代。疲勞道路。尋其視事日淺。未足昭見其職。既加嚴切。人不自保。各相顧望。無自

安之心。有司或因睚眦。以騁私怨。苟求長短。求媚上意。二千石及長吏。迫于舉劾。懼于刺譏。故爭飾詐偽。以希虛譽。斯皆群陽騷動。日月失行之應。夫物暴長者。必夭折。功卒成者。必亟壞。如摧長久之業。而造速成之功。非陛下之福也。天下非一時之用也。海內非一旦之功也。願陛下遊意于經年之外。望化于一世之後。天下幸甚。朱浮

吳起與田文論功。文不及者三。朱買臣難。公孫弘十策。弘不得其一。終之田文相魏。公孫宰漢。誠知宰相自有體也。

昔晏嬰輔齊。鹿裘不完。季文子相魯。妻不衣帛。以約失之者鮮矣。虞延

竦生長京師。不樂本土。自負其才。鬱鬱不得志。嘗登高遠望。歎息言曰。大丈夫居世。生當封侯。死當廟食。如其不然。閑居可以養志。詩書足以自娛。州縣之職。徒勞人耳。梁竦

順帝之世。梁商稱為賢輔。豈以地居亢滿。而能以愿謹自終者乎。夫宰相運動樞極。感會天人。中于道則易以興政。乖于務則難乎御物。商協回天之執。屬獨弱之期。而匡朝卹患。未聞上術。憔悴之音。載謠人口。

雖輿粟盈門。何救阻饑之厄。永言終制。未解尸官之尤。况乃傾側孽臣。傳寵凶嗣。以至破家傷國。而豈徒然哉。

漢初天下創定。朝制無文。叔孫通頗采經禮。參酌秦法。雖適物觀時。有救崩敝。然先王之容典。蓋多缺矣。是以賈誼仲舒。王吉劉向之徒。懷憤歎息。所不能已也。資文宣之遠圖。明懿美而終莫或用。故知自燕而觀。有不盡矣。孝章永言前王。明發興作。專命禮臣。擺定國憲。洋洋乎盛德事焉。而業絕天筭。議黜異端。斯道竟復墜矣。夫三王不相襲禮。五帝不相沿樂。所以

咸莖異調。中都殊絕。况物運遷回。情數萬化。制則不能隨其流。變品度未足定其滋章。斯固世主所當損益者也。且樂非夔襄而新音代起。律謝臯蘇而制令亟易。修補舊文。獨何猜焉。禮云禮云。曷其然哉。曹褒因涿郡盧植。事扶風馬融。融門徒四百餘人。升堂進者五十餘生。融素驕貴。玄在門下三年。不得見。乃使高業弟子傳授于玄。玄日夜尋誦。未嘗怠倦。會融集諸生考論圖緯。聞玄善筭。乃召見于樓上。玄因從質諸疑義。問畢辭歸。融喟然謂門人曰。鄭生今去。吾道東矣。鄭玄

時任城何休好公羊學。遂著公羊墨守。左氏膏肓。穀梁廢疾。玄乃發墨守。鍼膏肓。起廢疾。休見而嘆曰。康成入吾室。操吾矛。以伐我乎。

玄嘗疾篤。自慮以書戒子。益恩曰。吾家舊貧。不為父母昆弟所容。去廝役之吏。游學周秦之都。往來幽并。兗豫之域。獲覲乎在位通人。處逸大儒。得意者咸從。奉手有所受焉。遂博稽六藝。粗覽傳記。時覩祕書。緯術之奧。年過四十。乃歸供養。假田播殖。以娛朝夕。遇閹尹擅執。坐黨禁錮。十有四年。而蒙赦令。舉賢良方。正有道。辟大將軍三司府。公車再召。比牒并名。早為

宰相惟彼數公。懿德大雅。克堪王臣。故宜式序。吾自
忖度。無任于此。但念述先聖之元意。思整百家之不
齊。亦庶幾以竭吾才。故聞命罔從。而黃巾爲害。萍浮
南北。復歸邦鄉。入此歲來。已七十矣。宿素衰落。仍有
失誤。案之禮典。便合傳家。今我告爾以老。歸爾以事。
將閑居以安性。覃思以終業。自非拜國君之命。問族
親之憂。展敬墳墓。觀省野物。胡常扶杖出門乎。家事
大小。汝一承之。咨尔笄笄一夫。曾無同生相依。其勗
求君子之道。研讚勿替。敬慎威儀。以近有德。顯譽成
于僚友。德行立于己志。若致聲稱。亦有榮于所生。可

不深念邪。可不深念邪。吾雖無紱冕之緒。頗有讓爵
之高。自樂以論贊之功。庶不遺後人之羞。末所憤憤
者。徒以亡親墳壟未成。所好群書。率皆腐敝。不得于
禮堂寫定。傳與其人。日西方暮。其可圖乎。家今差多于昔。
勤力務時。無恤饑寒。菲飲食。薄衣服。節夫二者。尚令
吾寡恨。若忽忘不識。亦已焉哉。

是不識其本。而爭其末。恐國家之守。轉在函谷。雖卧
洛陽。庸得安枕乎。鄭興

不可以假人者。亦不可以假於人也。是以親爲餌。
春秋。天反時爲災。地反物爲妖。人反德爲亂。亂則

妖災生。往年以來。謫咎連見。意者執事頗有缺焉。變咎之來。不可不慎。其要在因人之心。擇人處位也。堯知鯀不可用。而用之者。屈已之明。因人之心也。齊桓反政。而相管仲。晉文歸國。而任卻縠者。是不私其私。擇人處位也。依經守義。文章溫雅。侍御史舉奏。興奉使私買奴婢。興好古學。尤明左氏周官。長於歷數。自杜林。桓譚。衛宏之屬。莫不斟酌焉。太子儲君。無外交之義。漢有舊防。藩王不宜私通賓客。犯禁觸罪。不如守正而死。鄭衆及梁氏敗。賓客多坐。唯衆不染於辭。

今西域欲歸化者。局足狐疑。懷土之人。絕望中國耳。如是。南庭動搖。烏桓有離心矣。政有名跡。

徵賦繁興。子以人不間於其父母為孝。臣以下不非其君上為忠。范升

朝以遠者不服為至念。升以近者不悅為重憂。今動與時戾。事與道反。馳騫覆車之轍。探湯敗事之後。後出益可怪。晚發愈可懼耳。吏人陷於湯火之中。非國家之人也。如此。則胡貊守關。青徐之寇。在於帷帳矣。慙負二老。無顏於世。

從之則失道。不從則失人。疑道不可由。疑事不可

行。夫至音不合衆聽。故伯牙絕絃。至寶不全衆好。故卞和泣玉。仲尼聖德。不容於世。况於竹帛餘文。其為雷同者。所排固其宜也。陳元

斷截小文。媒黷微詞。以年數小差。掇為巨謬。遺脫纖微。指為大尤。抉瑕摘釁。掩其弘美。所謂小辯破言。小言破道者也。

夫明者獨見。不惑于朱紫。聽者獨聞。不謬于清濁。故離朱不為巧眩。移目。離朱黃帝時。明目者。能察毫末于百步之外。師曠不為新聲易耳。衛靈公之晉宿于濮水之上。夜聞新聲。召師涓寫之。遂之晉。晉平公饗而奏之。

曠曰此亡國之音也

師臣者。帝賓臣者。霸。武王以太公為師。齊桓以夷吾為仲父。

左氏義深於君父。公羊多任于權變。其相殊絕。烟甚遠。而冤抑積久。莫肯分明。賈逵

陛下通天然之明。建大聖之本。改元正曆。垂萬世則。是以麟鳳百數。嘉瑞雜遝。猶朝夕恪勤。遊情六藝。研機綜微。靡不審覈。若復留意廢學。以廣聖見。庶幾無所遺失矣。

達母常有疾。帝欲加賜。以校書例多。特以錢二十萬。

使潁陽侯馬防與之。謂防曰：賈逵母病，此子無人事於外，屢空則從孤竹之子於首陽矣。皆欣欣羨慕焉。

論曰：賈鄭之學行乎數百年中，遂為諸儒宗。亦徒有以焉爾。鄭興以遜詞僅免，桓譚以不善識流亡。賈逵能附會文致，最差貴顯。世主以此論學，悲矣哉。

人號張曾子。七歲通春秋，復欲進餘經。父母曰：汝小未能也。霸曰：我饒為之。故字曰伯饒焉。張霸

太守起自孤生，致位郡守，蓋日中則移，月滿則虧。老氏有言：知足不辱，遂上病。逡巡不答。

行慕原憲，操擬伯夷。

張陵，張伯饒之孫，官至尚書。元嘉中朝賀，大將軍梁冀帶劍入省，陵呵叱之，令出。勅羽林虎賁奪冀劍，冀跪謝，陵不應。即劾奏冀，請廷尉論罪。有詔以一歲俸贖，而百僚肅然。初，冀弟不疑為河南尹，舉陵孝廉。不疑疾，陵之奏冀，因謂曰：昔舉君適所以自罰也。陵對曰：明府不以陵不肖，誤見擢序，今申公憲以報私恩，不疑有媿色。

明公總天下威重，握六師之要，若於中坐酒酣，鳴金鼓，整行陣，召軍正，執有罪者，誅之，引兵還屯都亭，以

次翦除中官。解天下之倒懸。報海內之怨毒。然後顯用隱逸中正之士。則邊章之徒。宛轉股掌之上矣。桓榮年四十無子。何湯為榮門人。乃去榮妻。為更娶。生三子。桓榮甚重之。後拜郎中。守開陽門。時上微行。夜還不納。更從中東門入。明旦召詣大官。賜食。諸門侯皆奪俸。建武中夏旱。公卿皆暴露請雨。洛陽令著車蓋出門。湯收案。詔免官。桓榮溫恭有蘊藉。言寬博有餘。辯明經義。每以禮讓相厭。不以辭長勝人。儒者莫之及。張佚論陰氏。以張佚為太子太傅。桓榮為少傅。

榮初與族人桓元卿同饑。厄而榮講誦不息。元卿嗤榮曰。但自苦氣力。何時復施用乎。榮笑不應。及為太常。元卿嘆曰。我農家子。豈意學之為利。乃若是哉。論曰。張佚訐切陰侯。以取高位。危言犯衆。義動明后。知其直有餘也。若夫一言納賞。志士為之懷耻。受爵不讓。風人所以興歌。而佚廷議咸援。自居全德。意者以廉不足乎。昔樂羊食子。有功見疑。西巴放麋。以罪佐傳。蓋推仁審偽。本乎其情。君人者能以此察。則真邪幾於辨矣。桓鸞少立節行。緼袍糟食。不求盈餘。

桓曄字文林。尤修志介。姑為司空楊賜夫人。父鸞卒。姑歸寧。赴哀。將至。止於傳舍。整飾後者。而后入。曄心非之。及姑勞問。終無所言。號哭而已。賜遣吏奉祠。因縣發取祠具。拒不受。後母至京師。未嘗舍宿楊氏。其貞伎若此。桓彬之父麟。早有才惠。

彬初舉孝廉。拜尚書郎。時中常侍曹節女壻馮方亦為郎。彬勵志操。與左丞劉歆。右丞杜希。同好交善。未嘗與方共酒食之會。方深怨之。遂章言彬等為酒黨。事下尚書令劉猛。猛雅善彬等。不舉正其事。節大怒。劾奏猛。以為阿黨。請收下獄。在朝為之寒心。猛意氣

自若。免官。彬廢。

彬有過人者四。夙智早成。岐嶷也。學優文麗。至通也。仕不苟祿。絕高也。辭隆從容。絜操也。乃共樹碑而頌焉。

為人者。憑譽以顯物。為己者。因心以會道。

日者陽精。守實不虧。君之象也。月者陰精。盈毀有常。臣之表也。丁鴻

壞厓破巖之水。源自涓涓。干雲蔽日之木。起於葱青。禁微則易。救末者難。丁鴻父丁緄。封安鄉侯。鴻讓于其弟丁盛。鮑俊讓之。就國。

論曰。泰伯三以天下讓。民無得而稱焉。孟子曰。聞伯夷之風者。貪夫廉。懦夫有立志。若乃泰伯以天下而違周。伯夷率絜情以去國。竝未始有其讓也。故泰伯稱至德。伯夷稱賢人。後世聞其讓而慕其風。徇其名而昧其致。所以激詭行生。而取與妄矣。至夫鄧彪。劉愷。讓其弟以取義。使弟受非服而已。厚其名于義。不亦薄乎。君子立言。非苟顯其理。將以啓天下之方悟者。立行。非獨善其身。將以訓天下之方動者。言行之所開塞。可無慎哉。原丁鴻之心。主於忠愛乎。何其終悟而從義也。異夫數子。類乎狗名者焉。

赤眉大衆且至。鄧禹以桐邑不足守。引師就堅城。而人多畏賊追。憚爲後拒。禹乃書燔諸將名于竹簡。署其前後。亂者箚中。令探之。宗不肯。曰。愚聞一卒畢力。百人不當。萬夫致死。可以橫行。宗擁兵數千。以承大威。何遽其必敗乎。遂留爲後拒。張宗

永初中。多虎狼之暴。前太守嘗募張捕。反爲所害。雄乃移書屬縣曰。虎狼之在山林。猶人之居城市。古者至化之世。猛獸不擾。皆由恩信寬澤。仁及飛走。太守雖不德。敢忘斯義。其毀檻穽。不得妄捕山林。是後虎害稍息。法雄

勢得容姦。伯夷可疑。苟曰無猜。盜蹠可信。故樂羊陳功。則文侯示以誨書。願請中常侍監軍財費賞。馮

綱
尚書朱穆奏。綱以財自嫌。失大臣之節。有詔勿劾。綱監軍使者張敞。承宦官旨。奏綱將侍婢二人。戎服自隨。

度尚為荊州刺史。躬率部曲。與同勞逸。廣募雜種蠻夷。明設購賞。進擊大破之。桂陽宿賊渠帥卜陽潘鴻等。畏尚威烈。徙入山谷。尚窮追數百里。遂入南海。破其三屯。多獲珍寶。而陽鴻等黨眾猶盛。尚欲擊之。而

士卒驕富。莫有鬪志。尚計緩之。則不戰。逼之。必逃亡。乃宣言兵寡少。當須諸郡所發。悉至。并力攻之。申令軍中。恣聽射獵。兵士喜悅。大小皆相與從。禽尚乃密使所親客。潛焚其營。珍積皆盡。獵者來還。莫不泣涕。尚人人慰勞。深自咎責。因曰。卜陽等財寶足富數世。諸知但不并力耳。所亡少少。何足介意。眾憤踊。勅令抹馬蓐食。徑赴賊屯。大破平之。度尚璇為零陵太守。賊眾多。而璇力弱。乃制馬車數十乘。以排囊盛石灰於車上。繫布索於馬尾。又為兵車。專設弓弩。剋共會戰。乃令馬車居前。順風鼓灰。賊不得

視因以火燒布。布燃馬驚奔突賊陣。因使後車弓弩亂發。鉦鼓鳴震。群盜波駭破散。梟其渠帥。郡境以清。

楊璇

若夫數將竝宣力勤慮。以勞定功。而景風之賞未甄。膚受之言互及。以此而推。政道難乎以免。

鍾鼓非樂。云之本。而器不可去。三牲非致孝之主。而養不可廢。存器而亡本。樂之遁也。調器以和聲。樂之成也。崇養以傷行。孝之累也。修己以致祿。養之大也。故言能大養。則周公之祀。致四海之祭。言以義養。則仲由之菽。甘于東鄰之牲。夫患菽水之薄。干祿以求。

養者。是以祿耻親也。存誠以盡行。孝積而祿厚者。此能以義養也。孝行

王望字慈卿。客授會稽。遷青州刺史。時州郡災旱。百姓窮荒。望行部道。見饑者。裸行草食。五百餘人。愍然哀之。因以便宜出所在布粟。給其廩糧。為作褐衣。事畢。上言。帝以望不先表請。章示百官。詳議其罪。鍾離意曰。昔華元子反。楚宋之良臣。不稟君命。擅平二國。春秋之義。以為美談。劉平

楚子圍宋。有七日之糧耳。盡此不勝。將去而歸。爾於是使司馬子反乘堙而窺宋城。宋華元亦乘堙而出。

見之。子反曰：子之國何如？華元曰：憊矣。曰：何如？曰：易子而食之，折骸而炊之。子反曰：諸吾軍有七日之糧耳。盡此不勝，將去而歸爾。揖而去之。反於莊王。莊王怒曰：吾使子視之，子曷為告之？子反曰：以區區之宋，猶有不欺人之臣，可以楚而無乎？是以告之。遂引師而去。君子大其平乎已也。劉平註

趙孝父普為田禾將軍，任孝為郎，告歸，常白衣步擔，從長安還，欲止郵亭。亭長先時聞孝當過，掃洒待之。孝既至，不自名。長不肯內，因問曰：聞田禾將軍子從長安來，何時至乎？孝曰：尋到矣。於是遂去。趙孝

琅邪魏譚少間者為饑寇所獲，等輩數十人皆束縛。以次當烹，見譚謹厚，獨令主爨，暮輒執縛。賊有夷長公，持哀念譚，密解其縛，語曰：汝曹皆應就食，急從此去。對曰：譚為諸君爨，怕得遺餘，餘人皆食草萊，不如食我。長公義之，相曉赦遣，竝得俱免。

復與般轉側兵革中。束修至行，為諸侯師。劉般，劉般長子愷，當襲般爵，讓與弟憲，遁逃避封。有司奏請絕愷國，肅宗美其義，優假之。劉愷居巢侯。

賈逵上疏曰：劉居巢侯子愷，素行孝友，謙遜潔清，讓封弟憲，潛身遠迹，前世扶陽侯韋玄成，近有陵陽侯

丁鴻。郾侯鄧彪。竝以高行辭爵。未聞貶削。皆登三事。刺史一州之表。二千石千里之師。職在辯章百姓。宣美風俗。尤宜尊重典禮。以身先之。而議者不尋其端。至於牧守。則云不宜。是猶濁其源而望流清。曲其形而望景直。不可得也。

臣竊差次諸卿。考合衆議。司徒劉愷。沉重淵懿。道德博備。克讓爵土。致祚弱弟。躬浮雲之志。兼浩然之氣。百僚景式。海內歸懷。誠宜簡練卓異。以馭衆望。昔方回支父。曹神養和。不以榮利。滑其生術。吾親已沒矣。後物何爲。周磐

若命終之日。桐棺足以周身。外槨足以周棺。斂形懸封。濯衣幅巾。編二尺四寸簡。寫堯典一篇。并刀筆以置棺前。

蔡順常出求薪。有客卒至。母望順不還。乃噬其指。順即心動。弃薪馳歸。跪問其故。母曰。有急客來。吾噬指以悟汝耳。

後漢書抄卷之二終



Vertical columns of faint, illegible text, likely bleed-through from the reverse side of the page.

